

vata runcinato-dentata. Caulis basi foliosus sulcatus hispidus superne nudus corymbosus. Folia caulina amplexicaulia lanceolata inferiora dentata, dentibus basin versus majoribus, superiora integerrima. Bractee ovato-oblongae concavae membranaceae. Calyces tomentosi, squamis exterioribus subrotundo-ovatis membranaceis calyce duplo brevioribus patentibus. W.

*7. **CREPIS scariosa.** W. †

C. foliis lanceolatis runcinatis hirtis, caule folioso, floribus corymbosis, calycinis squamis exterioribus membranaceis scariosis longitudine calycis. W.

Crepis vesicaria β . *Sp. pl.* 1132.

Cichorium pratense hirsutum vesicarium. *Bauh. pin.* 126.

Cichorium sylvestre vesicarium pratense. *Colum. ecph.* 1. p. 238. t. 237.

Spreuartiger Pippau. W.

Habitat in Apulia. ☉

Planta a praecedente diversissima. Differt enim caule folioso, foliis lanceolatis omnibus runcinatis, squamis calycinis exterioribus membranaceis scariosis obtusis longitudine calycis, radice annua. W.

*8. **CREPIS taurinensis.** W.

C. foliis scabris radicalibus lyrato-runcinatis, caulinis lanceolatis amplexicaulibus basi dentatis, calycibus subtomentosis, squamis exterioribus margine membranaceis. W.

Crepis vesicaria. *Balbis taur.* p. 93. (excluso synonymo.)

Turinischer Pippau. W.

Habitat in collibus Taurinensibus. ☉ (v. f.)

Folia radicalia Raphani runcinato-lyrata; caulina lineari-lanceolata auriculato-amplexicaulia basi dentata. Flores corymbosi. Bractee lineari-subulatae. Calyces subtomentosi squamis exterioribus lanceolatis calyce duplo brevioribus, margine tantum membranaceis. A C. vesicaria et scariosa distincta. Bracteis Calycibusque exterioribus non scariosis lanceolatis, Foliisque radicalibus runcinato-lyratis diversissima. W.

9. **CREPIS alpina.**

C. foliis ovatis cordato-sagittatis amplexicaulibus den-